

POSITIONUM DECAS
De
MAGIA

Quam

Divina adspirante gratia

In celeberrimo ad Albim Athenæo

SUB

EXCELLENTISSIMI JUXTA AC CLARISSIMI
VIRI

M. JOHANNIS Sperlings/

Physicæ Prof. Publ. longè dignissimi, Dn Hospitis,
Promotoris ac Præceptoris sui ætatèm venerandi
Præsidio


(Placide Φιλοσοφῶντων ἀισχυρίσσει publicè subjecit

HENRICUS Colter / HOJENSIS,

Aut. & Respond.

In auditorio majori ad 27. Januarij

Horis matutinis.




WITTEBERGÆ,

Ex Officinâ typographicâ JOHANNIS HAKEN.

ANNO M. DC. XLIIX.

NOTION OF
MAGIA

Magia is a word of Latin origin, derived from the Greek word *magia*, which in turn comes from the Sanskrit word *magh*, meaning 'to enchant' or 'to bewitch'. In the Middle Ages, the word was used to describe the practice of magic, which was often associated with the use of spells, charms, and incantations. The word *magia* was also used to refer to the study of magic, which was often considered a branch of natural philosophy. In the Renaissance, the word was used to describe the practice of magic, which was often associated with the use of spells, charms, and incantations. The word *magia* was also used to refer to the study of magic, which was often considered a branch of natural philosophy. In the 17th and 18th centuries, the word was used to describe the practice of magic, which was often associated with the use of spells, charms, and incantations. The word *magia* was also used to refer to the study of magic, which was often considered a branch of natural philosophy. In the 19th and 20th centuries, the word was used to describe the practice of magic, which was often associated with the use of spells, charms, and incantations. The word *magia* was also used to refer to the study of magic, which was often considered a branch of natural philosophy.



כאלהים

POSITIO I.

Magia omnium artium antiquissima est.

Formas rerum nunquam defecere & occultæ & manifestæ qualitates, quæ omnis Magiæ fundamentum sunt & origo. Ut igitur à primordio statim suo suos Natura latentes habuit thesauros, qui ad sui inquisitionem humanum rapere possent animum; ita verisimile est, ipsi non defuisse in hos indefinenter inquirentes. Zoroastrem Bactrianorum Regem, Nini σύγχρονον primum id omnium fuisse aggressum atque sic Magiam excoluisse refert *epitomator Trogi lib. 1. historiar.* Qua quidem in re consentientem is habet *Plinium Lib. 30. c. 1.* Non tamen omnino assentientem, quando hic non post multa subjungit: *Diligentiores paulò ante hunc ponunt Zoroastrem alium Proconnesium.* Verùm uter illorum his habeatur Magiæ autor, nobis perinde est. Non tamen putamus superioribus etiam seculis nullos extitisse hujus artis peritos. Ipsum humani generis primum parentem Adamum Physicæ, & ex hac pullulantis Magiæ exquisita habuisse cognitionem, conjicimus, non quidem ex eo, quod per solum aspectum figuræ externæ rebus nomina imposuerit, internam naturæ conditionem notantia, uti faciunt non pauci perperam, ex *Gen. c. 2. v. 19. 20.* Hæc enim notitia ipsi antelapsam concreata erat, nulla observatione aut usu acquisita. Sed quòd post maledictam à DEO suæ ob inobedientiæ culpam tellurem ipse cunctis naturalis notitiæ superstites igniculos ad id excitaverit, ut suo perditio jam statui succurreret. Quod præstare potuit ipsam in naturam diligenter inquirendo, terram spinas tribulosque germinantem excolendo, herbarum & plantarum vires explorando, pyros ac pomos, quæ jam agrestem induerant naturam, pro miti acerbis ferentes fructum, transponendo nec non paulatim tam

ἐμφυσία, quàm *ἐνοφθαλμισμῶ* ad pristinam indolem redigen-
do. Quæ & similia naturæ mysteria ad suos is posteros, qui sine
omni dubio cum die his plura longè adinvenierunt. Tubalain
jam suo tempore omnem æris ferrique tractandi callebat artem &
quodvis exinde opificium fabricari noverat. *Gen. 4. v. 22* De
Noacho itidem sacer testatur codex, quod vineam, ex qua bibe-
rit vinum, plantaverit. Id sanè indicio est, cognitam ipsi fuisse
naturam vitium, nec ignorasse succum ex illarum uvis pressum
magnam habere vim, fessos labore reficiendi & confortandi artus.
Unde defatigatum se recreaturus largiùs bibit & inebriatus est.
Gen. 9. Salomonem lubens hic prætereo: qui quantus fuerit in
hac arte, *ex Cap. 4. v. Regum* legenti satis constare poterit. Com-
mentator primus in Magiam fuit Ostheneſ, qui Xerxem regem
Persarum Græcis bellum inferentem comitatus in Græciam hanc
transtulit, ut *Plin.* scribit *l. cit.* Democritum quoque Abderitem
diuturnis longisque peregrinationibus ejus scientiam sibi compa-
râsse, quando ad Arabiæ, Æthiopiæ nec non Ægypti Magos se
contulerit, *idem Plin.* testis est *lib. 25. c. 2.* Unde postea eodem,
quo Hippocrates tempore Medicinam, Democritus hic Magiam
magnis ex disciplina Apollonica Captidenis & Dardani Phænicum
conscriptis voluminibus illustravit. *Plin. lib. 30. c. 1.* Ubi etiam
de Pythagora, Empedocle, Platone nimio Magiam addiscendi
desiderio inflammatis *idem Autor* refert, quod Memphiticos
Vates accesserint & Syriam penè totam, totam Ægyptum, cun-
ctasque Chaldæorum scholas peragraverint, exilijs veriùs, quàm
peregrinationibus susceptis. Non obscuri quoque sive scientiæ
hujus sive artis cultores extiterunt Hermes Trismegistus, cujus
meminit *Diodorus Sic. lib. 1. cap. 16.* *Augustin. de Civ. Dei lib. 8. cap. 23.*
Zacharias Babylonius. *Plin. lib. 37. c. 10.* Bocus, Aaron, Zeno-
renus, Kirannides, Theret & alij, quorum nonnulla se fragmen-
ta legisse dicit *Cornel. Agrippa de Vanitate Scient. c. 42.* Plura
de hac re qui desiderat, vid. *Johan. Bapt. Portam.*

L. H. A. B.

Magiæ vocabulum hodie ex classe illorum est, quæ
μῆσα dicuntur, h. e. in bonam & malam par-
 tem possunt accipi.

Non tantum optimi cum tempore in pejus ruunt mores, sed
 quoque pulcerrimus rerum usus in sædum sæpe abusum converti-
 tur. Unde etiam accidit, ut nomina ejusmodi rebus imposita
 non minus in suspicionem veniant. Exemplo sit nobis vox Ty-
 rannis, quæ olim fuit augustissima, regiamque majestatem sive
 Monarchiâ significavit, quâ qui possidebat, Tyrannus vocabatur,
 eratq; homo, juxta *Trogum*, spectata inter bonos moderatione ad-
 summū majestatis fastigiū evectus. Jam cū moribus & nomen il-
 lud immutatū est, ut nec Tyrannus nec Tyrannus aliquot seculis
 bene audiat. *Vid. Ciceron. Lelius sive de Amicitia.* Sic Sophista
 initio dicebatur is, qui solertissimo pollebat ingenio & sapientiæ
 donis mirificè instructus erat. Quare *Arrian. lib. 6. & Synesius Epist.*
 44. Indorum Sapientes *Σοφιστὰς τῶν Ἰνδῶν* appellitant. Sed
 postea titulus hic in infamiam abiit, quando Sophista non ampli-
 us mansit Sophista, sed aut ostentationis aut quæstus gratiā artem
 suam exercuit. Quin hodie, quod notum est, Sophistæ nomen
 tribuimus contortis modō & fallacibus conclusiunculis ludenti.
 Non secus accidit Magiæ voci Persicæ, qua olim honestissima
 indigitabatur ars scrutandi naturæ vires & colendi DEos scientia.
 Hac rectè imbuti nuncupabantur Doctores sive Sapientes apud
 Latinos: apud Gallōs Druides: apud Indos Brachmannes. Apud
 Persas tanta horum fuit autoritas quanta in privatum hominem
 cadere potuit. *Vid. Plin. lib. 30. passim.* Cambysem in Ægyptum
 cum exercitu abiturum Mago cuidam regni credidisse sceptrā *He-
 rodotus autor est lib. 3.* Et ex Ægyptiorum Sacerdotibus Magisque
 Chaldaeorum, qui sapientia alijs præfulserunt, ad imperij honores
 fuisse evectos narrat *Strabo lib. 16. Geographia.* Imō Magis apud su-
 os hæc fuit autoritas, ut nemo, nisi illorum doctrina ornatus, rex
 saluari potuerit. Testem laudo *Ciceron* qui *de Divin. lib. 1.* ita in-
 quit. *Nec quisquam Rex Persarum potest esse, qui non ante Magorum
 disciplinam scientiamq; perceperit.* Conferatur *Calius Rodigin. l. 3. lect.
 antiquar. c. 42.* Verum quoniam postea Magicæ arti, tanquam

honestissimæ matronæ, stuprum illatum est à petulantibus nonnullis naturæ contemtoribus, qui legitima negligentes fundamenta, diabolicis sese instillationibus emanciparunt, & sic artificia quædam prodidère stupenda, advertentibus id, *quorum è meliore luto Titan præcordia finxerat*, vox illa deteriorem quoque in partem cœpit usurpari. Qui mos adhuc obtinet, ut, qui talem exercent Magiam, meritò famosissimis perstringantur nominibus & dicantur *Fascinatores, Præstigiatores, Venefici, Arioli*, nullo, quando cum vulgo res est, refragante Philosopho.

III.

Non omnis Magia hodiè malè audit, sive illicita est.

Sunt qui dubitant, an detur ulla, aut unquam data fuerit Magia licita seu naturalis. De solis Magis, qui ad Christum venère, bonine fuerint an mali haud sciri posse contendunt. Sed dirimit hanc litem optimè Excell. Dn. D. *Calixtus* in sua *Historia Magorum*; quæ poterit videri: ut & *B. Meisneri Philos. sobr. sect. 2. part. 2.* Et probant Magiam naturalem facile partim occultæ cum manifestis altiùs perspectæ qualitates, partim stupenda hominum opera solius naturæ vi peracta. Segregetur itaque hic triticum à lolio, id est naturale à diabolico separetur. Tollatur abusus, ut maneat usus. Non fanè detrahenda illis Magis sua laus est, qui naturæ adyta diligentius perspexerunt, & miranda ejus beneficio opera proferre didicerunt. Laudatur meritò *Anaxagoras*, quod *Olymp. 28. anno secundo* prædixit, quo die saxum è sole esset casurum. Quod factum interdiu in *Thraciæ* parte ad *Ægos* refert *Plinius*, additque, suo etiam tempore hunc lapidem fuisse ostensum vehis magnitudine & colore adusto: Sed eum è sole esse lapsum non credibile rectè putat *Vid. c. 58. lib. 2.* Idè hic *Anaxagoras* maxima in siccitate pluviam prædixit, indeque pro Deo habitus est. *cit. autor lib. 18. c. 28.* Nec tacenda hîc est *Democriti* in naturalibus sagacitas, quâ ubi olei prævidit caritatem futuram, in toto tractu omne oleum coëmit. Mirati id sunt
ij, quos

ij, quos sapientiam præferre divitijs virum solere non fugiebat. Sed sequenti, eni, anno superioris omni, quicquid erat olei, divendito, summa ejus penuria extitit. Solus tunc *Democr.* ex hac materia questum fecit maximum. Sed pretium omne avaris reddidit dominis & seia horum pœnitentiæ restituit, opes sibi non cordi esse, attamen in facili eas comparare demonstrans *Ibid.* Labet etiam recensere hic, quod *Herodotus lib. 1.* de Persarum Rege Cyro habet. Is cū adversus Cræsi exercitum, quem ob militum multitudinem extremè formidabat, copias suas duceret, sequenti usus est stratagemate magico. In fronte aciei camelorum constituit plurimos: quos equi militum Cræsi olfacientes, illico sese, (*quoniam ijs magna intercedit cum elephantis ἀντιπρόθεα*) averterunt retrò. Hinc milites terga dare coacti sunt, & Cræso tam facile victoria erepta est, quàm captivitas accidit. Hæc & similia si quoque nostri ævi homines præstare & justo tempore adhibere noverint, ipsis nequaquam vitio id, sed potius laudi quemlibet decebit vertere. Prodit enim talis Magia latentes naturæ delicias atque divitias nec non mira cum jucunditate sui studiosos afficit. Jucundum est in libero posse aëre sine ullo sustentaculo clavum suspendere ferreum. Utile ægrotis auxilia trices scire adferre manus ex rerum qualitatibus bene cognitis, activas passivis rite applicando. Nec minus honore dignus est, cujus Magiæ scientia intellectus à communi rerum abditarum ignorantia purgatus est. Ea enim hic præstare novit, quæ admiratur vulgus, quæque non rarò ad proximi utilitatem vergunt, tum summi Creatoris gloriam & bonitatem illustrent. Ex quibus constat: Omnem Magiam, fundamentum in Natura habentem & sine superstitione susceptam, licitam esse & venerandam.

IV.

Magiæ contemplatio ad Physicam pertinet.

Non simpliciter hoc; sed suo modo intellectum volumus.
Ex antè dictis enim videre est, quod non Naturalis modò Philo-
sophiæ

sophiæ cultores, sed ij quoq; qui sese dederint civiliū rerū scientiæ,
Magi dicti fuerint. *Aretius in probl. loc. 44 pag. 430.* quatuor potissimū
ad Magiam pertinuisse narrat 1. *cultum sacrum*, unde Magi dicti
sint *Prophetae*. 2. *Cognitionem Physicæ*; hinc inquit dicebantur
Medici. 3. *Pueritiā matheſeos* & 4. *Politice vel rationem admi-*
nistrandi imperia & regendi populos. Hac ratione spectatam
Magiam practica modò Philosophia, modò Theoretica sibi tan-
quam partem vendicat, pro diverso, circa quod occupata ea est, ob-
jecto. Neque etiam hic adstruimus, quā peculiarem Physi-
cæ partem Magia constituat, in qua tractetur accuratè, quomodo
activa passivis applicanda sint, & sic opera admiranda producan-
tur. Hoc scientiam cum arte esse confundere, quod moliri oppi-
dò veremur. Sed id duntaxat assertum cupimus, quòd nemo,
nisi Physicarum rerum cognitione instructus quicquam laudabile
possit in Magia, quatenus de ea in his pagellis nobis sermo est, id
est, quā Magia ad res solū Physicas restringitur, efficere: ve-
rū cuncta ex naturalium rerum causis eruere necessum habeat.
Atque hoc modo sumtam Magiam, ulterioris explicationis gratiā
describere commodè possumus, quòd sit *scientia partialis* è libro
natura petitus ad multa hominem rectè dignoscenda & expedite pra-
standa aptum reddens. Ubi observandum erit nos eam dicere,
scientiam, non ut in rigore accipimus vocabulum *scientia*, sed pro-
ut qualemcunq; id denotat cognitionem & ad ipsam se extendit
praxin. Non *totalem*: sed *partialem*, quoniam in qualitatū
doctrina, quæ particula Physicæ, potissimum fundata est. Red-
dit autem hominem ad multa rectè dignoscenda, nimirum præter
naturalia, à naturalib; licita ab illicitis: itē multa expedite præstā-
da, quæ imprimis sine ea & Chemicis & Medicis essent longè diffi-
cillima, aptum. Quod si hīc quis nobis cupiat regerere, quid Phy-
sicæ intercedat cum opere commercij? Ei sic venimus obviam,
quod quæ hīc accidit *ποίησις* seu effectio nihil rei deroget. Ac-
cidit enim illa & Mathesi, in qua beneficio Arithmeticæ, Geome-
tricæ, Astronomicæ, Opticæ &c. non rarò egregia producantur
opera, quas tamen eam ob rem ex Theoreticæ Philosophiæ circu-
lo minimè excludimus. *Tractat Physicus practicam magiam, ut sci-*

at, non ut faciat. Plura & accuratiora qui desiderat, Ipsius
Clariss. Dn. Praesid. Instit. Physic. cap. IV. Lib. 2. adeat de Magia.

IV.

Dari possunt certæ quædam Magiæ naturalis
species.

Præmissis hisce ad ipsas Magiæ N. sp. descendimus, in quarum
enumeratione discrepant Autores. Theophrastus Peracel-
sus homo & Naturantem, quam dicunt & Naturatam in multis
deferens Naturam, sex licitæ Magiæ species lib. I. Philos. saga-
cis cap. 4. eruditis propinare annititur. Harum primam *Inter-
pretationem signorum præternaturalium*, quæ inter res
naturales quidem appareant, naturaliumque corpo-
rum speciem habeant, præternaturaliter tamen à Deo in natura
constituantur, dicit posse statui. Ejusmodi Magiam
fuisse *interpretationem stellæ*, quæ Magis incitamento fuerit ex O-
riente in Judæam ut iter susciperent ad Christum recens natum
somnia. Quò etiam refert *Interpretationem Prophetiarum & Apo-
calypsum*. II. Speciem viventium asserit esse *transformationem corpo-
rum*: qualis in conspectu Phaaronis tempore Moïsis contigerit.
Quò etiam Servatoris nostri *transformationem* trahit, III. dicit
speciè docere *verba facere*, quæ omnes habeant vires, quæ à cœlo in
herbas mittuntur quæ omnia, quæ Medicus per medicamenta effi-
cit, *verbis* præstare possit, eamque *characterale* nuncupat. IV. speciè ait
ostendere, quomodo *Gamabeu*, i.e. *imagines & sculpturas*, quibus mi-
randis characteribus & figuris vires cœli imprimantur, quæ o-
mnia præstent, quæ aliàs ex rebus naturalibus composita instru-
menta faciunt. Sicut enim clavis seram aperit, gladius vulnerat,
thorax ferreus munit: ita eadem invisibiliter peragi posse per
imagines ex influentia supercœlesti lapidibus insculptas. V. Spe-
ciem facit, quæ *imagines* his similes, quibus eæ destinantur, con-
ficit. His quicquid infligitur, autumat, *eos pati*, quorum sunt
imagines. Hac Magiæ specie dicit in *immagine cereæ vel alia* posse
quem assari, configi, paraliticum, cœcum, impotentem reddi ad
Venerem, rursusque sanari, eamque vocat *Alteram in alteram*.
VI. & ultimam constituit Cabalisticam, non quidem illam Ve-

rerum, quam *Reuchlinus* nihil aliud esse, nisi *symbolicam Theologiam*, in quâ non modò sint litteræ ac nomina, rerum signa, verum res etiam rerum, ait *lib. 3. de arte Cabal. p. m. 713.* Sed planè aliam & per versam, quæ scilicet rationem & modum tradat, quo *characteribus, sigillis, figuris, verbis* admiranda & alijs impossibilia perficiantur; ac *Magiâ Cabalisticâ* præstari posse docet, ut quis possit audire vocem ultra mare, aliquis habitans in Occidente loqui cum aliquo habitante in Oriente. Quæ enim voces naturaliter exaudiri possunt *per passus centum*, easdem *Magiæ* beneficio, dicit, exaudiri posse *per C milliaria Germanicâ*. Item quod iter, cursor vel equus naturalibus viribus *mensis spacio* absolvit, id per hanc *Magiæ speciem uno die* posse absolvi. Ac tales equos habuisse *Magos Sabeos*, eosque *Magica*, non *naturali* vi equorum *Bethlehemum* venisse *lib. 1. de Vita long. c. 9.* scribit. Et quicquid natura operatur annuo spacio, id ipsum posse mense perfici etiam in fructibus maturandis, pollicetur. Hoc modo *Trithemium*, cujus fufam *B. Meisnerus par. 2. Phil. Sobr. cap. 2.* mentionem facit, coenam ex Italia vel Gallia petiisse prolato verbo: *A F F E R*: referunt. Astipulatur hisce *Crollius* & non minus fanatica affert in præfatione *pag. 36. & seq.* Nos recensitas *Magiæ speciei* rejicimus, ut spurias, ostensuri infra pro data occasione quid veri subfit. Alias sex adferemus hinc ex naturæ sacrario, quæ suis nituntur causis naturalibus, & à nemine negabuntur.

Harû I. esse poterit *Συμπλαθείας καὶ ἀντιπλαθείας*, vel ut *Scaliger* mavult *Exerc. 344. sect. 2.* Assensû ac dissensûs cognitio. Ea qui imbutus est, ignorare non poterit, cur pedes, frigore ad pernionem usque laborantes, frigidissimæ aquæ immersi ad pristinum redeant vigorem. Internum scilicet frigus, velut foedere facto, ad externum ruit, & ob naturæ convenientiam simile tendit ad simile. Sic liquor, qui gravis est, contra naturam ex imo ascendit ad pennam humidam supernè admotam. Boves, in quo maceratus fuit bos aut ejus ossa sunt recondita, loco consistunt ac vociferantur. Sentiunt enim effluvia ex suæ naturæ simili egressa ibique adhuc hærentia, & conturbantur. Præterire non possum, quin hinc enarrem, quod litteris mandatum est de nobili quodam

quodam in duello naso truncato superiori seculo. Hic chirurgi
 opem, uti is sibi consuleret, imploravit. Qui, sentiens delica-
 rum esse agrotum, proprium ejus brachium dissecare noluit, sed
 ut è brachio servi more in Chirurgia descripto, nasum sibi com-
 parari curaret, ei sutor extitit. Conductus est mercede servus
 à nobili, qui se illi alligari, brachium secari & cætera adhiben-
 da adhiberi spe lucri passus fuit. Cura processit feliciter, nobili-
 que reparatus est nasus ac servo brachium restitutum. Sed tri-
 ennio post servus morbo laborare incepit, ex quo nobilis nasi do-
 lores percipere potuit. Mortuo servo, nasus, quasi mutuò datus,
 simul computruit deciditque. Quid hinc aliud respondendum
 erit, quàm ex *Sympathia* sive *natura consensu*, ut mortem servi eti-
 am nasi corruptio statim secuta fuerit, evenisse? Eodem modo vina
 vetera, cum vites gemmas protrudunt, in dolijs effervesce-
 re, & panes, quando in agris frumenta florent, in adibus marcescere
 & corrumpi, credimus. De panno, quando adipe aut pice infe-
 ctus est, res paulò est manifestior. Solà aquà calida cum agrè
 purgabis: adhibe aliam cum aqua pinguedinem, nec non videbis
 illà huic uniri & ex panno elui. Venenū attrahit venenū, morsusq;
 animalium venenatorū venenorum applicatione curantur. Qua-
 de re plura ap. *Renodæum Instit. Pharm. lib. 1. c. 17.* legi poterunt.
 Sic amat natura sui unionem, secus ac nonnulli sentiunt. Nec
 minus, ut *imptus similium*, *fuga etiam dissimilium* in aprico est. O-
 leo, butyro sive adipi accensis, si affundimus frigidam, ignem non
 sine murmure aquam fugere, superiora loca petere ac ipsas sæpe
 ædes incendere conspiciamus. Non hic opus est, ad ἀντιπύρρον
 ut recurramus. Hostis adversus hostem se munit & unit, ejusque
 impetum aversatur. Hinc etiam proculdubio, Beatissimo scri-
 bente *Sennerto*, pulveris pirij vis est, dum non solum sulphur ac
 nitram accensa locum requirunt ampliorem, sed & sibi invicem
 inimica sunt. Famosum est allij & magnetis dissidiū. Illo n. hic il-
 linitus ferrum attrahere recusat. Pullus gallinaceus, triduum aut
 quatrimum ovo exclusus, milvum è longinquo conspectam hor-
 ret sibi; ad matrē fuga consulit, nullū aliàs sive equū sive bovē sive
 molossum reformidans. Accipitrem imbelles fugiunt columbæ:

& lupo ovis visus terrori est. Alimenta etiam nonnulla multum
nauseant summè, multi eadem avidè anhelant. Scribunt triti-
cum ita averfari vultures, ut ejus esui fame antepo-
nant perire. Ciconeis oblectamento serpentes sunt & gallinis araneæ, homi-
num interitus. Asinus ferulum equorum pestem comedit. Ad
quæ notandum venit, quòd, ut proprietates hæ plerumque com-
munes sunt & toti fermè speciei conveniunt, à forma specifica
propriè manantes, ita aliæ etiam, eæque magis contractæ den-
tur, quæ non omni, sed nonnullis tantum individuis accidunt,
ut cum Alexandri Magni corpus fragrantissimum, teste *Plutarcho*
in ejus vita, odorem de se sparsit. Nonnullos à caseo, butyro, vino
felibus ita abhorreere cernimus, ut horum præsentia ijs non tan-
tùm valde molesta sit, verùm & periculosa. Novimus inquit
Weinrichius Tract. de monst. c. 8. qui angvillarum duntaxat calo-
rem, aspectum, esum pati non posset, sed ne esse quidem in ædi-
bus absque insigni anxietate, ubi occultabatur aliqua vivens. Et
Josephus Scaliger Exerc. 344. sect. 6. quendam commemorat, au-
dito phormingis sono, se continere non potuisse, quin sub men-
sam (sit venia verbis) etiam inter clarissimorum convivarum pe-
des minxerit. Hæc affectiones quoniam non semper & omni
speciei individuo insunt, à formis accidentarijs, provenire eas ar-
bitramur, quæ subjectis interdum ad tempus sine lege, sine neces-
sitate adiunt. De *ὀπλονίσματα* sive unguento armario, cujus
conficiendi applicandique modum breviter describit *Baptista Por-
ta lib. 8. c. 12.* quæri potest, num etiam id referri huc debeat. Af-
firmativam videntur tenere non pauci, inter quos *Crollius* est &
Goclenius. Sed negamus illud meritò, cum nulla actio passioq;
sine contactu esse possit, docente *Aristotele 1. de gen. & corrupt.*
c. 6. text. 44. Omnis autem contactus est vel *corporalis*, quando
duorum corporum superficies ita simul sunt, ut mutuò se invi-
cem premere ac movere possint: Vel *Virtualis*, quando virtus uni-
us corporis ad superficiem alterius pervenit, agitque in illud, si-
ve per species id fiat emissas sive per effluvia. At neutrum de
illo rectè quisquam affirmabit: Non illum; quod contra sensum
non hunc, quod contra rationem est. Quæ enim inter ferrum sive
telum

velum vulnerans & vulnus inflictum naturæ aut qualitatum
 convenientiæ ? cū tamen ea , quæ in se mutuo agunt & à se
 invicem patiuntur, aliquo modo sint inter se similia , *docente*
Aristotele lib. 1. de gen. & corrupt. c. 7. textus 50. Nil valet , quod
 ajunt , *spiritus unā cum sanguine egredi, telo sive ferro adbarefcere, in-*
deq; adbibitis adbibendis repelli & ad corpus suum redire ac illud red-
integrare. Sanguis iste è corpore fusus cruor fit, statimque emo-
 ritur, nec spiritus in se retinet ullos. Patronis igitur hujus unguenti
 ex rei natura hoc aliter erit demonstrandum, quod quamdiu non
 fiet, Satanæ hīc subesse ludibrium putabimns, Meliora vid. *ap.*
B. Sennertum de ungu. arm. apud Clariss. Dn. Præsidentem Instit. Phys.
c. 3. quæst. 1. Keckerm. curs. Philos. disp. 2. corol. 4.

II. Magiæ naturalis speciē *Φυσιογνωσία* sive naturæ ex partium
 corporis positu cognitionē constituim⁹. Hanc qui rectē tenet, illi ex
 notis corporis in sensus incurrētibus & singulis hujus partibus, cū-
 primis autem vultu sive faciei habitu, de morum constitutione &
 ad certa studiorum affectuumque genera inclinatione conjectu-
 ras facere ac prælagire erit integrum. Membrorum enim hu-
 manorum exteriores ad se invicem habitudines cū è membra-
 rum principalium efformatione dependeant in origine : & omnis
 effectus suam quodammodo causam arguat, horum indicia ex il-
 lis desumi non ægrè poterunt. Vulgare quidem est : *Frons indi-*
cium animi est & mentis janua oculi : sed non contemnendum. Bo-
 ni namque cordis bonam faciem vestigium *Synacid.* nominat c. 13.
 v. 32. Mærentis ac gaudentis, speculantis & irascentis manifesta
 in fronte apparent indicia. Et esse vix potest, ubi habent con-
 gruentem inter se *συμμετρία* membra corporis, quin vis plastica
 modo legitimo ex justa materiæ seminalis analogia tria illa mem-
 brorum principalia *cerebrum, cor & hepar* efformârit, hisque reli-
 qua vicina & externa sapienter copulaverit : cordi nimirum tho-
 racem, caput cerebro, cum reliquis, quas singula membra conti-
 nent, partibus. Hinc tot ex eleganti corporis humani *commenso*,
 (*sic Vitruvii* verbo utar) divinationes, quot fermè anni dies, sunt.
 Plurimas vide collectas in Excell. Dn. Præsidi. *Anthropol. Physica lib.*
2. hinc inde : cum primis de faciei constitutione p. 634. & seq.

Apud Hippocrat. lib. 2. de morbis popularib. Paulum Zacchiam
Question. Medico-Legal. lib. 4. Tit. 1. Quest. 5. Secus eveniat, ut
membris hisce apta defit condecencia, sicut fatur Tullius, aut vim
efformatricem calore defecisse aut materiam feminalem non suf-
fecisse conijcimus. Quibus bene observatis, quid de compositi
constitutione, de ejusdem affectionibus & inclinationibus censen-
dum sit, explicat illud vulgatissimum: Cautus homo cavet, quic-
quid Natura notavit. Nazianzenum in hac re, testatur Nizetas, viz
parem habuisse, atque internum hominem ex gestibus externis o-
mnium maximè potuisse notare. Ille igitur, quisquis futurus es-
set Julianus, ex facie ejus, orisque lineamentis facile potuit de-
pingere, quando inquit. Neg, enim mihi boni quicquam significare
videbantur crura minimè firma, humeri, quos subinde agitabat & attolle-
bat, oculus vagus & oberrans, ac furiosum quiddam intuens, pedes in-
stabiles & titubantes, nasus contumeliam spirans, vultus lineamenta
ridicula idem significantia, risus protervi & exastuantes, nutus & re-
nutus omni ratione carentes, sermo harens spiritusq; intercisus, inter-
rogationes precipites & imperite responsiones, his nihilo meliores.
Vid. ejus in Julian orat. 4. Sic sæpe hominum interna externis re-
spondent, &, nisi optima illorum mores educatio emendet,
deformi corporis habitui deformis animus comes est. Conjungi
cum Physiognomia poterit Chiromantia, quæ ex manuum lineam-
entis & monticulis, de temperamento, virtutibus, vitijs, honori-
bus, divitijs, conjugibus, liberis, moribus & interitu etiam ju-
dicat. De qua Vid. Johannes de Indagine cap. 1. cap. 2. 3. 4. & seq.
Peucerus: & B. D. Balduini Casus conscient. pag. 801. 802. pluribus.
 III. Magiæ natur. speciem ponimus γαλεομαντεία i. e. infantū
recens natorum ex vittis divinationem. Est autem Galea sive
Vitta infantium, juxta nonnullos, peculiare quoddam involu-
crum seu membrana ex superabundanti copia magis terrei,
quam aquosi, solidioris compactiorisque seminis, à virtute plasti-
ca validiore efformata, & in circumferentiam fusa. Levin. Lem-
nus de occult. nat. mir. lib. 2. c. 8. tanquam anilem & malè sana-
rum vetularum persuasionem hanc rejicit, statuens, vitras illas nil
esse aliud, quàm partem intimi involucris foetus, quod suo appel-
latum

iatur nomine *ἀμν*. Sed non assentimur illud nos dicto au-
 tori (1) quia vittam hanc arcum circa fimbriam quasi obtinere
 instar venæ rotundam, ajunt, quæ, si esset pars a-
 mnij abrupta, non adesset (2) Involucrum istud *ἀμν* dictum, si
 rumpatur, ilico recurrit, & quasi in se contrahitur, quod non de-
 prehendi poterit, in ejusmodi *Galeis*. (3) per rupturam membra-
 narum oræ redduntur inæquales & dentatæ quasi, quod itidem hîc
 non fieri observatum est. Res autem cum hâc vitta seu diadema-
 te ita se habet, ut si nigricante id affectum fuerit colere, multa
 infantibus, minetur sinistra, eò quòd color nigricans prædomi-
 nantem indicet humorem melancholicum adustum, qui ad hor-
 renda quævis hominem disponit impellitque. Unde etiam pro-
 verbium: *Melancholia Diaboli balneum*. Atra enim hæc, densaq;
 fuligine cerebrum replet, mentem obnubilat, non secus, ac atra
 nubes solis obfuscet radios. Quam ob rem huic etiam humo-
 ri malos non rarò sese immiscere spiritus asserit *L. Lem. l. 1. c. 16. de
 occ. nat.* Hac qui infestantur horrenda sibi somnia fingunt, spe-
 ctra, mortem, Tartara ipsa. Quin & vigilantes ij interdum talia
 sibi imaginantur aut ante oculos versari depravatam ob Phantasi-
 am autumant, qualia *idem autor de complex. lib. 2. c. 6.* recenset de
 quodam, qui se mortuum putârit, ideoque nec cibo nec potu uti
 voluerit. Ac de alio narrat, quod opinatus fuerit, clunes suos esse
 vitreos, & propterea sibi omnia stando conficienda esse negotia,
 ne, si sessum caperet, confringeret nates. Si verò rubicundo hæc
 vitta colore infecta fuerit, principiatum quoque de suo principio
 restabitur, hoc est, sanguinis in semine indicabit prædominium;
 atque sic infantibus multa pollicebitur prospera. Sanguineum
 enim temperamentum, præterquam quod per se optimum est,
 temporis successu in naturalem abire solet melancholiam, cui
 mentis sagacitatem comitem esse solere testis est *Aristoteles*, quan-
 do ejusmodi temperamento omnes, qui ingenio claruerunt in
 Philosophiæ studio, sive Reipublicæ administratione, vel carmi-
 ne pangendo, adfirmat fuisse præditos *probl. sect. 30.* Sed quomo-
 do hoc sobriè & rectè accipiendum sit, *vid. Clariss. Dn. Pras. Ambro-
 pol, Physis. pag. 162. 163.* Referri etiam hîc poterit *ὀμφαλομαλῆς*,
sive

sive umbilici inspectio & ex ea divinatio: de qua, quoniam ex
ijsdem fermè fluit sumiturque causis, idem ferme etiam poterit
esse iudicium.

IV. Magiæ naturalis speciem facimus virium
Phantasia, notitiam. Non quidem illam, de qua *Crollius* di-
cit: *Quicquid oculis videmus in majori mundo, hoc idem imaginatio*
potest producere. Sic omnes herba, omnia metalla per imaginationem
& veram *Gaballam* possunt produci. *præf. p. 38.* Vana hæc est & falsa.
Vid. *Excell. Senn. cap. 14. T. de C. ac D.* Sed quæ in naturalibus cau-
sis fundata est. Hac qui destituitur, fieri non potest, quin multa
admiretur summè sæpeque horreat, quæ ab imaginationis viri-
bus proficiscuntur. Tantæ enim tamque stupendæ Imagina-
tionis vires sunt, ut in illarum investigatione plurima sese, eaq;
optima hominum capita semper exercuerint: siquidem non in-
proprium modò hæ agunt corpus: sed & alienum non rarò miris
afficiunt modis: quod in tenellis adhuc maternæ alvo inclusis
fœtus membris videre est, quæ adeò nonnunquam distorquent,
ut hominisne partes, an bruti spectes, dubitare queas. Id cum nôsset
Patriarcha Jacob ex inito cum socero pacto, sine fraude sineque
vituperio (quod cum alijs celeberr. in XXX. Cap. Gen. Theolog. B.
D. *Gerhardus* statuit) ovibus potuit ditescere. Liber in medium
adferre exempla aliquot, quæ Phantasia, sese, quantum valerat,
ostentans, prodidit. *Clariss. Schenckius* annotat, ob denega-
tum à lanione carnis frustum in macello gravidam quandam ira
sic incaluisse, ut nares stillarint sanguine, quem cum absterse-
rit, enixa sit fœtum superiori carentem labio. Et *Cornelius Gem-*
ma refert, maritum quendam conjugem suam, ubi jam partus
institerit, stricto gladio insequutum, frontique ejus plagas ac
vulnera minitatum esse, quæ postea prolem horrendum in fronte
vulnus habentem pepererit, è quo tam abundè sanguis profluxerit,
ut is ante interitum infantuli sisti nequiverit. *Experientiss. Sen-*
nert. Novi, inquit, fœminam, quæ cum vidisset à Lanione ca-
put suillum securi dividi, filium genuit, cui tota superior
palati pars cum maxillo superiore & labio ad nares usque
divisa erat. Et de alia dicit: Memini, mulierem quandam
cum sub mora versâretur, & mora plura in ipsam deciderent, fi-
lius

liam genuisse, quæ in ijs corporis partibus, in quas in matre mora deciderant, verrucas instar mororum habuit. Hæc & sexcenta alia potest Phantasiæ vis. De modo quo hoc fiat, ne eum sicco paterijſſe pede videamur, etiam hîc pauca annotabimus. Dicimus verò, eum non posse esse unum, cum jam suprà affirmaverimus, nunc in *proprium* nunc *alienum* corpus Phantasiam agere. Quod ut eò rectiùs intelligatur, præmittimus, actiones ejus esse duplices, primarias & secundarias. *Primaria* sive *immanentes* rursus geminæ sunt, nèpe (1) species à sensu cõmuni delatas examinare, depurare & in naturam *Φαντασμα* convertere. (2) ex illis novas & singulares proprio Marte fingere ac pingere imagines. Unde tot somniorum oriuntur genera, uti non malè cecinerit Claudianus :

*Omnia, qua sensu volvuntur vota diurno,
Tempore nocturno reddit amica quies.
Venator defessa thoro cum membra reponit,
Mens tamen ad sylvas & sua lustra redit.
Judicibus lites, auriga somnia currus,
Vanag, nocturnis meta cavetur equis.*

Sed de illis hîc non plura dicemus. *Secundarias* sive *transientes*, quoniam hîc propriè spectant, arripiemus. Hæ numero & specie infinitæ sunt, quæ tamen in hoc uno conspirant cunctæ, quòd phantasia non intra suos sese limites contineat, quando ultra affectionem phantasmatum, nunc in proprium corpus nunc in alienum, non quidem externum, sed foetus, in utero contenti dominium affectat. Fit autem illud non directè & per se: quia phantasia facultas cognoscens est. Cognoscere verò actionem immanentem denotat, non immutantem sive proprium sive alienum corpus. Quod inde haud difficulter probatum dare possumus, quòd nemo, quem hodiè morbus infestare incipit, cras aut perendie non convalesceret. Omni enim hora omnique momento agrotantes de sanitate ceu summo bono cogitant. Sic qui pecunia Cræsum se superare sibi imaginantur aut somniant, non nisi somnium id esse deprehendunt. Per accidens igitur & in-

directè id contingit, ut modò proprium modò alienum corpus Phantasia mutet, quatenus nimirum cognoscentem sequitur appetens, appetentem locomovens, locomuventem mutationes istæ tam variæ & admirandæ in subiecto. Res in totum ita se habet: Objecta externos movent sensus: hi species receptas ad sensum communem deferunt, qui eas phantasiæ cognoscendas tradit: cognitæ appetitus sequitur vel aversatur. Actionem hanc excipit spirituum commotio & humores mutant partes. Et hinc omnium in corpore proprio à phantasia natarum mutationum evidens ac sufficiens patet ratio. Lata animis volventes, lætamur, tristitia, tristitia suffundimur, & de lautiori cibo cogitantes, salivam in ore percipimus. Fœmellæ pica laborantes è creta, luto, cineribus, lateribus & pice suavem sentiunt saporem. Amicorum adventus qui sperant, moderato afficiuntur calore & roseo colore perfunduntur. Quidam nocte una imaginatione acerrima canuerunt. *Scaliger Exercit. 312. Historia*, inquit, *nostræ tempestatis est sub Francisco Gonzaga Mantuæ Principe. Is affinem suum suspectum conjunctionis cum in turri portæ Cæsareæ ad questionem aut supplicium servari iussisset, nunciatum est manè totum repente canum factum. Quod quasi prodigium flexit principis animum. Qui ei propterea & veniæ & vitæ fecit gratiam.* Non hoc expiuitæ abundantia, ut nonnulli volunt, sed sanguine vehementer affecto contigisse putandum est. *Vid. Excell. Dn. Præsid. Anthropol. Phys. lib. 2. c. 16. quæst. 4.* Ac licet nonnunquam erret Phantasia, tamen mira inde sequuntur effecta. Quod videre est in *Vincentio* illo, sicut refert *Marcell. Donat. lib. 2. hist. medit. memorabil. c. 1.* qui tantam sibi imaginatus est corporis magnitudinem, quantà ostium transire non liceret. Et cum medicus per id eum transportari mandavit, querula voce, in transportatione ista totum se esse contractum intus, dixit, pauloque post animam efflavit. Noctambulones è lecto surgunt, ambulant, scalas ac summa ædificiorum fastigia superant, nec non stupenda satis opera peragunt. Jucunda de his lectu exempla *Clariss. habet Medicus Johannes Horstius* libello, quem de *Noctambulonibus* inscripsit, quæ brevitatis causa omisimus. Vulgus, ut aliàs erroris plerumq; magister est, etiam hîc superstitiosè putat,

putat, homines ejusmodi ideo noctu surgere & circumvagari, quod à sacerdote non legitimè baptizati sint, sed quòd is aut verborum aliquid aut ceremoniarum in baptismi actu præterierit. Verùm occurrunt huic *Excellent. Medici Lemnius lib. 2 de occult. nat. mirac. cap. 5.* & *Horstius* longèque alias adferunt causas, dicentes scilicet: *Noctambulonibus sanguis fervidus est & spumans: ex sanguine autem spumante etiam spiritus spumantes & velut viridioriantur.* Qui spiritus ex constitutione corporis melancholica & temperamento cerebri nimis sicco tenacissimam & fortissimam adjunctam habent facultatem imaginativam, circa quam dum occupantur, agitatione sua motuque incalescunt & accenduntur: accensi v. quærunt meatus spatium & à membris interioribus provolant ad membra exteriora: ita tamen, ut etiam si virtuti motrici musculis insidenti ad motum exercendum à cerebro communicentur, non tamen *organis sensuum ad sua objecta digno scenda sufficienter impertiantur.* Quod propter hanc causam, referente *Keckermanno curs. Philos. disp. 17. p. m. 209.* accidere D. D. *Comimbric. ex Vega in 3. Gal. de loc. affect.* annotant: quia via, per quam cerebri facultas ad motum pectoris & artuum influit, laxior est ea, per quam sensuum exteriorum officinas illabitur. Nempe ut brevibus omnia: in dictis casibus pro varietate cognitionis phantasie variat appetitus, variant affectus, variant motus, variant mutationes: & affectus moventur non juxta acta, sed representata. Ac ita etiam comparatum est cum corpore alieno, cum ipsi *indeterminatum* quid à Phantasia imprimitur: ut quando gravida à lupo contrerita foetum edit pallidum, aut fuste petita mortuum gignit. Verùm cum determinatus cernitur in foetu effectus, res aliter se habeat, necesse est. Si enim mulier vulnere territa, quod in vulnerata vidit facie, foetum pariat vulnus in capite alentem, determinatus hic effectus à communi fluere causa non potest. Ad formatricem igitur facultatem hic erit recurrendum, ad dictamen, regulam & ideam quandam operantem. Non enim humoribus aut spiritibus, non locomotivæ, non appetitui, non phantasie ascribendum est, quod formatricis audit opus. Hujus opera sit, quicquid in toto foetus formatur corpore. *Clariss. Preses*

rem paucis nervosissimè explicat, quando inquit: *Ipsa formatrix est, quæ format omnia*. Hac cum à Phantasia turbatur ac seducitur membra format tortuosa milleq; modis depravata. Res omnis in specierum consistit communicatione. Ita quidem, ut species phantasiâ perceptæ matris spiritibus ac sanguini communicentur, post spiritibus aut sanguini factus imprimantur: & ibi instar exemplaris ad hoc & non ad aliud formandum dirigant ac disponant. Ut ergo Phantasia species infinitæ sunt, sic etiam infinitas cernere licet signaturas. Vid. tract. ejus de format: hom. in. utero. cap. 5. B. Sennert. tract. De C. D. c. 14. de virib. Imagin.

V. Mag. Nat. speciem *ὀνειρογενήτων* adducimus i. e. ex in somniis divinationem. Multi hanc planè rejiciunt; multi nimium extollunt. Mediam tenuère beati. Pia & Rever. memoriæ Vir D. Frid. Balduinus lib. 3. de Cas. consc. c. 6. rectè inquit: *Vel omnibus vel nullis fidem adhibere insomniis, ejusdem vanitatis est*. Cui meritò Barth. Keckerman curs. Philosoph. disp. Philosoph. disp. 17. probl. 53. subscribit, dicens: *Omnem somniorum significationem more Epicuri, Metrodori, Xenophanis Colophonij & aliorum rejicere temerarium videtur*. Et, *Quid dicam de divinatione ex insomniis? num somniare, dixerim eos, qui somniis fidem habent? Non absolutè quidem: nam quædam somnia, quæ à copia & qualitate humorum & ex prægressis actionibus, besternisq; cogitationibus dependentiam habent, possunt certa quædam nobis præmonstrare, maximèq; hæc à medicis advertuntur, quod copię & qualitatis humorum & constitutionis corporis nobis judicio esse possint*: ait Paulus Zachias lib. 4. *Question. Medico-Legal. Tit. 1. quest. 5.* Monendum igitur hîc erit, somniorum diversa esse genera. Quædam (1) sunt *ὀνειράματα θεόπνευµατα* à Deo modò ἀμέσως, modò ἐμμέσως per sanctos angelos immissa, quorum in sacris literis plurima licet invenire exempla. Hæc magni à nobis semper facienda sunt. Quædam (2) sunt *ὀνειράματα δαιµονιοπνευµατα*, quibus humani generis inimicus inflamat homines ad libidines, odium, vindictam & tumultus. Ejusmodi somnia fuerunt, quæ venditabant *Manichæi* olim: item *Enthusiastæ & Anabaptistæ*, qui superiori seculo ijs nixi in *Thuringia & Monasterij Westphaliæ* oppido nefanda patrârunt scelera. Diabolica etiam judicanda sunt somnia,

Somnia, cum ad res futuras aut occultas investigandas perducunt, quarum cognitio non ad utilitatem aliquam, sed tantum ad vanam scientiam ostentationem vel etiam ad aliquid mali faciendum confert. Satanae enim opera sunt vanitates scientiarum & studia maligna. Quaedam (3) sunt *Φουικά*, quae ita magis vel minus certa & praesaga putamus, prout causam habent vel remotiorem vel propinquiorem & cum majori necessitate conjunctam. Dividuntur autem ea commodè in *animalia* & *naturalia* in specie sic dicta. Illa plerumque sunt *αἰσθητά*, ut Poëta non malè de ijs cecinerit ::

Somnia fallaci ludunt temeraria noctu.

Quando enim ejusmodi nobis accidunt, Phantasia vel praeteritas tantum actiones repetit vel eas variè confundit & ex multis diversisque rebus unam componit, ut nihil tam ineptum tam absurdum, tamque monstruosum cogitari possit, quin somnia interdum id nobis repraesentent. Ideo rectè hæc sacer rejicit codex *Eccl. c. 5. v. 6. Syriac. 34. v. 1. Naturalia in specie* sic dicta pleraque *συναίσθητα* sunt, notatuque dignissima. De temperamentorum enim, affectuum, humorum testantur, aliarumque latentium rerum cognitionem adferunt. Ut: in quibus abundat sanguis, ijs lætiora quæque & jucundiora occurrunt, qualia rotarum pratorumque aspectus sunt: item, saltationes, choreæ, convivialia. Choleris ob flavæ bilis acredinem, rixæ, pugnae, praelia, incendia, depopulationes objiciuntur. Phlegmaticis redundantem ob pituitam, navigationes, portus, submersio, maria, piscationes, balnea pluviae obverfantur. Melancholicis denique varia corporis pericula, suffocationes, capitis amputatio, strangulationes, tenebrae, noctes, mors, diabolus, infernus, collapsarum ædium rudera, per loca oberrationes solitaria, & quid non? In causa est atra bilis sanguisque terrestris, quæ hi affecti sunt & abundant. Sed *Physicis* hæc & *Medicis* accuratiùs pertractanda relinquimus, pro perantes ad ultimam juxta institutum nostrum. Magiæ N. speciem post nonnulla de somnijs D. Hieronymi verba, quæ hæc sunt: *In multitudine somniorum & vanitates & verba plurima. Cum diversa videris per nocturnam quietem & varijs a-*

nima fuerit exagitata terroribus, siue incitata promissis, tu ea contemne, quæ somni sunt & solum Deum time: qui in somniis crediderit, vanitatibus se, & ineptiis tradet.

VI. eamque ultimam Magiæ Naturalis speciem constituimus *Ἀστρολογία* i. e. scientiam de viribus stellarum in corpora hæc sublunaria ex certo cœli, syderumque positu petitam, cuius ope, licet non proximis; remotioribus tamen caelis, miranda quædam futura prædicere probabiliter possumus. Instructi hæc apprime fuerunt Magi ex Oriente ad mundi Salvatorem recens natum venientes. Nam cum viderunt, inusitatam planeque singularem stellam esse ortam, inusitatum quid planeque singulare illam portendere statim conjecerunt. Unde ductum ejus sedulo sequentes iter suscepere longissimum, ut Regem stellantis Olympi cernerent ac ipsi offerrent munera. Quanquam non negandum, summum his etiam Numen adfuisse, quod nobiliss. *Tycho de Brabe* lib. 1. astron. p. 584. videtur innuere, qui consulatur. Dividitur autem Astrologia communiter in *Catholicam* siue *universalem*: quando ex astrorum configuratione toti cuidam aliquid divinator plagæ siue genti: ut cum ubertas maxima, aut maxima frugum caritas illi denunciatur. *Exempla Democriti & Anaxagoræ superius* posit: *III adducta* hic poterunt repeti. Et *specialem*, siue huic vel isti homini propriam, quam etiam vocant *Genethliacam*, quando singularia in humanis corporibus temperamenta considerantur & de ijs ex accidentibus, quæ temperamenta plerumque sequuntur, prædicatur. Principia harum Divinationum tum metas quoque, ex *Phyfica & Astronomia* petitas, videsis ap. *Pencerum, de Divinatione* fol 376 & sequent. Nos plura hæc fari jam vetamur, ut de illicita quoque Magia subsequentes adferre nonnulla pagellæ concedant.

VI. Verborum, characterum, ceremoniarum, imaginum, nec non sigillorum, ut superstitiosum vulgus antumat, vires nullum in natura fundamentum habent, adeoque nullæ sunt.

Facinus magnum est implicitum cum Satana inire foedus: Majus explicitum. Illud ex superstitione potissimum oritur & in-

& incautis saepe instillatur mentibus. Hoc ex animo planè perverso originem ducit & nisi à volentibus suscipitur. Utrumque tam juxta divinam *Deutr. 18.* quam humanam, *L. multi. c. de malef. & Mathemat.* legem gravi animadversione dignum est. Quod tamen multi flocci facientes tam temerarij sunt, ut neq; illud cavendo, neq; hoc fugiendo sibi consulant. Sed subeant isti & corporis & animæ periculum. Nos postquam de *Licita Magia*, nonnihil superiori posuit: balbutivimus, *Illicitam* quoque paucis attingemus, visuri, quàm infirmis ea fundamentis superstructa sit. Autorem hujus alij alium ponunt. Non opus arbitror, ut de eo impræsentiarum ambigamus. *Wiero* is *Zoroaster filius Chami Misnuim est*, cui pater, sublato cataclysmi periculo, Magicas, quas ipse multò antè ab alijs hauserit, artestradiderit. *Vid. lib. 2. c. 3.* Ast unde illi eam addidicerunt? Nobis certum est, Diabolum, ut omnis mali, ita & hujus causam esse atque caput. Etenim, postquam curiosa hominum ingenia tum cœlestem deseruere doctrinam, tum ultra posse sapere annexi sunt, versutus ille & versipellis deceptor, varijs impiorum speculationibus suam junxit operâ, superstitionē superstitione commētaq; cōmentis alacriter augēdo. Quem morem adhuc obtinet, dum non uno fine nec una scæderis forma sese hominibus devincit: sed tot in cautos ac miseros mortales capiendi excogitat artificiorum genera, ut impossibile sit cuncta recensere. *B. Meisnerus* ad tres classes (1) *Divinatoriam* (2) *Præstigiatoriam*, (3) *Effectoriam* plurima eorum revocat *2. part. Philosoph. sobr. cap. 2. p. 55. & seq.* quem vide. Arbitraria jam nos ingredientiē via, à *Verborum, characterum.* &c. vi & efficaciam incipimus, eamque esse nullam probamus. Ac primò quidem de *Verbis*, quibus utuntur, nunc significantibus, nunc non significantibus, nunc domesticis nunc peregrinis, nunc sacris nunc profanis sive tacitè demurmuratis sive clarâ voce pronuciatis dicimus, quòd illorum per se nulla vis sit, sequentibus rationib. nitentes. (1) Quicquid à fine verborū simpliciter est alienum, id illorum effectus nullatenus esse potest, Rat: Quia finis & effectus in negotio hoc mutuò sibi subordinantur nec realiter differunt: quoniam una eademque res & finis & effectus est: finis intentione: effectus

ne : effectus executione. Sed curatio morbi corporum immutatio , Lunæ de cœlo deductio &c. per *verba* simpliciter à verborum fine est aliena. R. Quia adequatus omnium verborum si-
ve prolatorum siue scriptorum finis est significare mentis conce-
ptus , ut ex definitione vocis patet. Ergo. (2) Si *verba* nihil aliud
sunt , quàm quantitates , ipsis quoque per se nulla inerit vis nul-
la efficacia. Atqui verum est prius. Sublato enim significa-
tivo usa , aliud nihil sunt , quàm sillabarum & litterarum nume-
rus , qui ad Quantitatis prædicament. pertinet. E. & posterius.
Quantitatis enim nullam esse efficaciam , Canon est. Frustra
igitur sunt & valde peccant , qui *Evangel. S. Johannis* , *Orat. Domi-
nicam* , *Psalms Davidis* , *Ave Maria* &c. de collo suspendunt , inde-
que sanationem expectant aut alia his effecta edere conantur.
Vid. B. Chemnit. part. 2. loc. Theolog. in præcep. 2. Et si enim ha-
beatur *Hebraeor. c. 4. v. 12.* Quod Verbum DE I sit sermo vivus &
efficax , penetrabilior omni gladio ancipiti : non tamen id huc tra-
hendum. A quo id fit , Fall. à d. secundum quid ad dictum simpl.
committitur. Quà de re alij. Ex quo sequetur , si *verba* neq;
sacra neque *profana* ullam in se habent efficaciam ,
quà *verba* sunt , ea etiam herbis quicquam præstandi vim confer-
re nullam posse. Verum enim est , & immotum manet : Quod
quis nullo modo possidet , illud alteri communicare nequit.
Occurrere nobis si quis ulterius gestiat , effectum tamen non-
nunquam manifestum sequi : Et quam plurimos per ADACADA-
BRA peculiari modo scriptum à febre liberatos esse : Illi responderi
posse arbitramur tripliciter. (1) Ægrotorum affectus admodum
vehementes sunt & plurimum in morbis valent. Ut enim tri-
stitiâ , terrore , metu , tanquàm vitæ inimicis , spiritus coarctantur
nec non rarò extinguuntur , unde in morbos , quos valde metui-
mus , facile incidimus : quos deinde inopina mors sæpe excipit.
Exempla vid. ap. Fucksum. ex Plin. adducta insit. medic. lib. 2. sect. 6.
c. 1. Sic contrà firmam per spem ac fiduciam spiritus excitantur
inque totum corpus diffunduntur , ut confidentia atque ingens er-
ga medicum affectus plus nonnunquam efficiat , quàm ipsa cum
medico medicina. Natura namque obedit aliquando cogita-
tionibus

tionibus & vehementibus animæ desiderijs. *Et affecto spiritu, afficitur corpus, in quo spiritus delitescit, inquit Avicenna lib. de Anima.* (2) Natura sæpe ipsa morbum leviolem superat. (3) Rei admixta est occulta quædam Dæmonis operatio, ut hominem superstitiosum superstitione cumulet, sicque corpus adjuvando non nihil animam deperdat, *juxta illud S. Augustini: Cum spiritus maligni non possunt seducere Christianos, ut dent venenum. Ergo addunt mellis aliquid, ut per illud, quod dulce est, lateat id, quod amarum. Serm. 7. super Johannem.* De characteribus, quoniam meræ sunt figuræ, ac proinde nudæ tantum quantitates, idem poterit esse judicium. Deinde Diabolus nonnullis autor est, ut *ceremoniis* utantur ineptissimis inque ijs magna efficiendi multum ponant fiduciæ. Putant, illum, qui indusium, usu tritum, inversum induit à morbis ab incantationibus profectis esse immunem. Scopas ante ostium collocatas transgredi lamias non posse ajunt. Sed putant hoc & ajunt, sibi que à Satana fucum vendi patiuntur. Argumento hujusmodi rem subvertimus. Nullæ artificiales futilitates effectum naturalem producere possunt. Atqui ejusmodi *ceremoniæ* sunt artificiales futilitates. Ergo &c. Neutræ præmissarum probatione indigere arbitramur. Quicumque igitur *ceremoniis* utitur, *Diabolicam* exercet *Magiam*.

Tertiò, qui *sigilla* atque *imagines* adhibent, à Satana etiam implicari asserimus. Inquiunt, *in imagine cerea aliave assari quem posse, configi, item surdum, cæcum claudum ac impotentem ad Venerem reddi.* Item profitentur, *nullum ferè morbum posse nominari, quem non tollere valeant aut Arietis sigillo aut Tauri aut Geminorum aut alijs reliquorum δωδεατημογων.* Verum quid sigilla? Quid imagines? Artificialia sunt effecta, nullam per se sive commodandi sive nocendi vim habentia. Agendi vires, ubi nullæ sunt, fingere, mentis est dementis. Utitur Diabolus arte sua, qua ligat, in quos Dei permissu potestatem accipit: liberat verò rursus, quando aut Deus eum increpat; aut animas eorum lucrari hoc modo se posse conjectat. Exempla vid. *ap. Peucer. p. 169. de divinat. Wier. l. 2. c. 45. 48.* Constat ex his, quàm firmo nitantur

turalo 3, 4, 5, & 6, *Paracelsi magia species*, quas sub initium *præced.*
Posit. adduximus. Juxta hæc igitur examinari poterunt.

VII. Per Naturam fieri non potest, ut se quis reddat in-
conspicuum, aut corpus suum à globulorum icti-
bus ac ferri immune.

Exercent hoc maleficium jam benè multi, ad id aut *verbis* aut
herbis utentes, sub specie illa, quasi Natura ipsis velificetur. Sed
contrarium ex sequentibus patefcet diancæis. Nullum corpus
naturale coloratum per medium rectè dispositum astantibus rectè
sefe habentibus invisibile est. Atqui hominis corpus est tale.
Ergo. Major patet. Quia visus proprium objectum est color.
Hujus, si medium sit legitimum, & organon rectè dispositum,
species visibilis necessariò recipitur ab astante. Porro: Quic-
quid est proprium corporis humani, illud ab eo, nisi supernatura-
liter, separari potest: Atqui mollities est proprium corporis hu-
mani. Ergo. Major constat: Quia propria à subjectis suis, nisi di-
vina virtute, quæ sola supra naturam operari potis est, separari ne-
queunt. Minorem nemo negabit. Adde, quòd anima huma-
na ejusmodi durum hospitium respuat. (1) ratione operationum.
Durum enim si esset corpus, membris ejus movendis minimè suffo-
ficeret, ut experientia testis est. Quibus enim tempore hyberno
obriguère manus, ex animi sententia eas movendi non statim de-
tur potestas. Tum (2) ratione substantiæ suæ. Sic enim
juxta scripturam in sanguine est, spirituum scilicet vitalium & ani-
malium respectu. Manebit igitur verissimum, quod *Excell. Dr.*
Præses instit. pag. 365. habet: *Diabolus ipse Comædia istius actor esse:*
illius suscipit, mundumq; credulum ad se allicit, ut corpora cum anima-
bus in præsentissimam trahat perniciem.

VIII. Sagas perdiffitissima loca posse convenire ad co-
mitia nocturna concedimus: at illas in feles aut lupos
converti: vel animas ipsarum extra corpus abripi,
eoque perferri à Diabolo, negamus.

Con-

Constans fama est circa *Walpurgi* diem, alijsve statis tempo-
 ribus, striges ad certa loca proficisci, ut in *Meliboci* aut aliorum
 celissima montium juga ad commestationes tripudique cele-
 branda. Nec desunt rationes, quibus id adducatur credere.
 (1) Magisagæque illud creberrimè sunt confessi. (2) Et posse &
 velle ipsis non denegandum est. Possunt Satanæ auxilio per aërem
 volitare ac longissima locorum intervalla peniciter emetiri, aut,
 scopis, aut furcis aut equis aut porcis aut hircis insidentes. Dele-
 ctantur etiam illi homines talibus consortijs ac ineptijs: quoniam
 depravata ipsis mens est, nil nisi abominandam ejusmodi jucundi-
 tatem quærens. Quamvis igitur decipiantur non rarò lamia,
 dum falsas illarum Phantasie dæmon offert species, ut semper rem
 ita se revera habere existiment: cum tamen contrarium sæpius te-
 stetur experientia: tamen aliquando realem esse exportationem
 non inviti concedimus. De illo major difficultas esse videtur,
 an homines in bruta converti aut animæ eorum post inita cum
 diabolo pacta ab illo extra corpus abripi & ad conventicula dicta
 transferri possint. Prius multis fit verisimile. Videantur, quæ de
 mira ista hominum metamorphosi & in Livonia frequenti *Λυκα-
 θρωπία* scripsit *Peucerus de divin.* p. 170. seq. Sed nos assentiri
 his nō possumus. (1) Quia nō forma humana sola nec duæ essentia-
 liter distinctæ formæ corpus istud assumtū informare poterunt. Nō
 illa: quia si anima humana revera adesset, humanas sanè ederet o-
 perationes. *Idem enim manens idem, semper aptum natum est facere*
idem. Sed hoc ibi non fit. Ergo. Neque hæ: alias (1) Lupus
 iste aut felis simul rationalis & irrationalis esset, quod contradi-
 ctionem implicat. (2) Quia anima humana à corpore semel soluta
 non nisi divina virtute rursus cum eo conjungi potest. (3) Quia
 transformatio isthæc æquè est infinitæ virtutis, ac creatio. Non
 igitur, quod solius Dei audit opus, Diabolotribuendum est. Nec
 obstat, quòd magi lamiaque vulnerentur interdum, cum feles
 aut lupi sibi videntur. Diabolus enim homicida est, qui corpora
 illorum fauciat, ut in errore miseros derineat. Quod si ita est
 ut nulli dubitamus, nulla etiam erit *Paracelsi* secunda de trans-
 mutatione Magiæ spec. quam supra adduximus, Restat posterius,

an animæ extra corpus finitâ virtute abripi & cum eo reuniri queant. Quod iterum negandum. Quæcunque enim actio solius Dei propria est, eam creatura nulla præstare potest. Atqui animarum à corpore separatio cumque illo reunitio est talis. E. Adde, quod animæ sagarum extra corpora sua positæ, nullas possint edere organicas actiones: non coquere carnes, non canere, non saltare, quod se facere sibi imaginantur. *Videatur Clariss. Pres. Instit. pag. 367. & seq.* Nobis ad finem properandum erit.

IX. Magas ex columnarum aut parietum foraminibus, juncis, bipennibus, clavis &c. lac emulgere, præstigiæ sunt.

In sinu gaudent ac sibi valde gratulantur miserrimæ striges, ubi sese emancipârunt Diabolo, per varias sibi artes quasvis comparare divitias esse integrum. Inter illas numerant & lactis ex spinetis, parietum foraminibus, baculis alijsque siccissimis rebus productionem. Sed falluntur nostrâ sententiâ admodum. Diabolus enim lac istud, aut alijs hominibus, aut ipsis etiam vaccis jam antè subductum, occultè & guttatim ijs adfundit, quando deliramenta ejusmodi adhibent. Quemadmodum enim perniciosissimum istum sæpe spiritum modò poma, modò pyra, modò uvas modò fraga, modò cerasa hyberno tempore ex distantissimis locis, *quæis tum maturior æstas*, attulisse compertum est: ita & hîc eum agere censendum. Plura hac de re *Jodocus Hocker* habet *libro germ.* quem inscripsit *der Teuffel selbst*. Illum vide.

X. Lamiarum per aquam frigidam probatio ad illicitam spectat Magiam.

Fit hæc in nonnullis Germaniæ locis ita: Dextra manus sinistro alligatur pedi & sinistra dextro, sicque homo asseri impositus aquæ committitur. Si supernatat, agitur reus, sin minus innocens pronuntiatur. Quod autem ille Magos Magasque probandi modus sit illegitimus, facile possumus dare probatum. (1) Quia omni caret naturali fundamento. Non enim ejusmodi hominum

hominum corpora aliorum corporibus leviora sunt ; sed per se æquè, ac ea, petunt profundum. Nam proprietas corporis humani gravitas est, formam terræ, quæ in hoc mixto deprehenditur, sequens. Propria autem à suis subjectis, non nisi supernaturaliter, separantur.

(2) Fallit. Sæpe enim factum est, ut innocentissimæ etiam mulieres aquis hoc modo injectæ, supernataverint. Cur Diabolus, qui indefinenter omnium nostrum meditatur perniciem, quando pijs nonnunquam scæminis maculam hanc per lamias inussit, ut etiam creditæ sint sagæ, & dignæ flamma judicatæ, supposuisse sese ijs in aquam immissis, atque sic submersionem avertisse putandus est. Spiritus enim ille mendax & homicida audit ab initio *Job. 8.* Ac proinde nullius rei plus satagit, quàm ut fallacibus suis præstigijs vitæ ac salutis hominum insidias struat.

(3) Non minùs, quàm cum stolidæ satis mulierculæ aquæ pelvi infusæ nummulos ad explorandum, quis se amet, criticis imponunt diebus aut alijs ceremonijs utuntur, hæc probatio superstitione caret. Quod animadvertens *Imper. Lotharius*, sustulisse eam legitur in *Jure Longeb. lib. 2. tit. 54.* Atque ob id etiam hodie à præstantissimis aliquot Jureconsultis improbatur. Defendere hunc morem conatus fuit *Scribon. in Phisilog.* sua; sed in conatu deficit. Ratiunculas ejus præcoces perquàm & deliras vide ap. *Excell. Dn. D. Jacob. Mart. Prom. ac Prac. meum. etatem venerandum Cent. 5. disp. 8.* Quicum alij *Theologi, J. C. Medici, Philosophi* à nostris partibus stantes conferri poterunt. Nos hic subsistimus: & Sacrosanctæ Trinitati, quæ sola Diaboli insidias nos fugere doceat! & in æternæ veritatis

viam ducat! gratias pro concessa gratia agimus sempiternas.





Praestantissimo atq; Literatissimo

DN. RESPONDENTI,

Amico dilecto & honorando,

UT gemmas antris condit natura profundis,
Et pretiosa imò servat onusta sinu:
Abdita sic Physices ingens concludit abyssus,
Felix, qui gazas eruere inde potest.
Haece **MAGIA** sagax monstrat, sacrata recludit.
Hanc prensa sobriè. Sat pretiosa leges.

Gratul.

Johannes Scharfius Theol. Doctor

P. P. nec non p. t. Colleg. Phil.

Decanus.



QUæ, **SOLTERE**, tui vis fiet ingeni,
Et novit *Witteberga*, & scit *Julia*,
Ambæ splendidiore Academiæ:
Disquisitio quod porrò perelegans
Monstrat, quæ tibi, quæ vera *Magia* sit,
Enodasse placet, Cultor amabilis
Musarum, Tibi quæ præmia conferent,
Promptæ promeritis tollere honoribus

Cur.

Cunctos, qui cupiunt per sapientiam
Conari, ut feriant sidera vertice.

Ita meritò gratulatur Eximio & eruditè docto Dn. Respon-
denti, Fautori honorando

M. Johann Andreas Quendstedt/
Quedl. Collegij Philos. Adjunct.



Eximio

Dn. HENRICO SOLTERO/
SS. Theol. Cult. Strenuo, Philos. Cand. digniss.
de Magià disputaturo, Amico pl. dilecto
S.P.D.

P *Ars animæ SOLTERE mea, pars pulcra Lycæi,
Dulcisq; Patriæ TUÆ Spes maxima,
Naturæ varios monstras mirosq; recessus,
quid nostra doni Leucoris TIBI dabit?
Hem dabit Illa suam multa cum laude Corollam,
non ut Magus, sed ut Magister audias.*

Infucari amoris debitaq; gratul. test. e. adpon.

M. Joh. Ern. Gerhardus Jenensis.

F I N I S: